

大嶽太
和山紀畧


卷之一

序
凡例

修輯姓氏
目錄

星野
圖攷

風陵文庫
文庫19
F 68
/



乾隆九年纂

大嶽太和山紀畧

下荆南道署葺板

序

昔王者封名山而禮其神
以各奠其方尊之曰嶽著
於周禮則謂之鎮山又建
國設官於方嶽之下使主

祀事期於調燮雨暘祈報
歲功綏厥土疆以資為彈
屢亦名之謂鎮豈不以天
之所主有鎮星故地之所
主有鎮山而人官之持節

以鎮於其方者寔有以寓
夫山鎮之義責之職守而
所係於地方者為甚重哉
槩於辛酉歲被

簡命自西曹出守安襄鄖道所

轄襄陽屬之均州有大嶽
太和山舊武當山也自唐
以後代奉真武尊神其
地於秦漢時置縣立郡洎
宋元又置軍分路皆以武

當名及有明永樂間加封
大嶽易名太和山勅藩叅
典司歲祀至我

朝復加崇重

聖祖仁皇帝屢遣部員內臣致祭

錫額賜帑輝煌神嶽我

皇上特降諭旨豁免山稅比於

秦岱其隆文徽號儼與五

嶽爭烈稱鉅鎮焉而其效

靈於軍國民生歷著神異

槩嘗於巡視所經必登而

致祭覽其竒秀仰其赫轂

濯靈之威不可思議懼勝

蹟漸湮帝功未盡顯彰

思有所紀錄歲之名山惜

前明所編已燼於兵燹之
餘至我

朝康熙初年有均州牧王君
民皞承觀察楊公素蘊所
委復為搜葺所刻又失於

淨梟之火僅得山間所藏
鈔本擬再為刻之猶嫌其
辭浮於事且多引科錄頗
近宋人清詞疑道士家或
有假而竄入之者未敢盡

信夫大禮必簡至敬無文
太和名嶽也 真武尊神
也 滌績則恐失真恠誕亦
為褻體而山經久闕又不
敢不及今以為之紀爰是

不揣謏陋於舊志採其言
之雅馴又參之以列史所
載舊民所傳為紀畧若干
卷寧約毋雜寧質毋華庶
幾於職方氏所稱九州鎮

山之典而官茲土者因名思義禮嶽尊神上祝

國釐下保民依以仰答



聖天子懷柔百神綏邦屢豐之至意至於詞之不工採之

不廣亦姑存其畧以俟後之閱覽博物而為是志者

昔
乾隆九年甲子春月湖北布政使司分守安襄鄖下

荆南道兼理水利按察使
司僉事紀錄十九次琅邪

王槩題



國家王迹肇基丹壑北
極而北方之卦曰坎
天一生水五行所先
上符不宿必為真武
是以源遠流長澤被
九有而星辰之協名

理固信而君激也真
武聲靈赫濯齊州咸
仰而大嶽崦嵫磅礴
神尤憑之負坎抱離
居天地之奧宣水火
之用襄贊化育光賁

聖

祖仁皇帝加壽錫額寵溢
迄明崇報綦隆維我

社稷厥功偉焉自唐
山靈求我

皇上聖々相承詔諭褒頌
禮同來岱蓋真武為

飛靈之宿而大嶽又
為荆楚之鎔故懷柔
鉅典弓加無已官朝
土者罔不宣播德亨
以崇祀於不表厥大
嶽太和山志缺焉

備予之人義遲之以
有待者 觀察王公
起而任之 王公閔
閔名家自西曹出巡
荆南荆南火方也水
德足以鎮焉大嶽之

迴盤先求之靈異不可
無志以助其志如
志所未及爰集諸名
流訪輯意奉蒼萃如
纂而摠其成無他真
武鎮物以神而觀

察鎮物以以是為點
相或孚者矣余按試
名麗由襄拉鄭道過
均州得望太和山層
巒疊嶂郁々絲々神
靈攸宅雲華佛護冊

中兩載七十二峰二
十四澗渚與區雖未
親歷其勝而彷彿間
象或至焉者山之為
靈昭々也而觀察
蓋於卷帙中盡之夫

觀察率屬按民鉅
細咸理肅軍政興水
利正風俗建書院夙
在匪懈亦又士庶躬
切頌德聲徧安襄鄭
三郡父老口而公餘

稍暇復整理成書以
垂不朽自呈醒山川
圖攷證歌詩碑記諸
卷孤目瞭如事校文
省斯固大嶽真武之
神所醞釀蘊積而作


具我觀察以蒐羅
纂探之盛心亦不
悉舉也盥手雜誦
之藉以上祝
國釐下祐民福惟曰
於萬季與天無極焉

大猷
和山
紀畧
序

大嶽太和山紀畧

爾

日講官起居注提督湖北等處
地方學政翰林院侍讀加一
級紀錄六次長沔宋邦綏拜
手撰



大嶽太和山紀畧目錄

卷一

星野

圖考

卷二

山川

卷三

聖紀

宮殿

祀典

卷四

僊真

物產

拾遺

大嶽太和山紀畧目錄

卷五

諭 勅 旨 詔 書 詩 歌 贊 碑

卷六

賦 碑 序 跋 贊 銘 文

卷七

記 歌 詩

卷八

詩

大嶽太和山紀畧修輯姓氏

總修

湖北布政使司分守襄陽荆南道兼理水利按察使司僉事紀錄十九次 王 槩

纂修

湖北襄陽府清軍巡防同知 姚世倌

原任陝西寶雞縣知縣襄陽鹿門講堂學教 李之蘭

分修

襄陽縣學教諭 鄭家禹

太學 倪穀豐

候

選

劾

諭

李質

太

學

生

馮文燦

太

學

生

王揚

太

學

生

張夢鹿

分校

鹿

門

講

堂

肄

業

生

員

劉選

王萬年

劉安仁

李魁元

鹿

門

講

堂

肄

業

童

生

范廷諤

嚴珩

梁玳

彭年

王育萬

雷先聲

大嶽山紀略

修羅性氏

大嶽太和山紀畧凡例

一志取紀事不以多文爲富余家於山東習聞岱嶽典故所志自黃帝迄今不過數帙考明史藝文志載太和志編自宣德年間道士任自垣僅五卷今鈔本至二十卷恐多而不切芟之諸體不備又不成志僅紀其畧以備後採

一聖紀必求諸理元武於北方七宿主虛危之精舍次元枵道書所謂復位坎宮是也先攷元帝正義後附淨樂出身原有俗說標題悉未載入

一聖蹟不敢闌入如舜井姚孝子廟無論耕稼非此地卽有之亦應入均州志不得附於真武之道場又如道家言帝越海東遊所傳淨樂國或海外神境也竟謂麋之樂都鄉爲古淨樂國指雙塚屯之古壇爲聖父母淨樂國王善勝皇后之墓茫無所據倘若竟涉虛謬寧能免於誣聖闕之毋鑿

一古蹟必人與地之可傳載在典籍而當存者若插梅磨鍼試劍等說乃真武山道家之傳說非典也又如禹跡池挂劍松銅鼓玉像諸類已分見山水宮殿物產各條無煩重說其餘幻渺收入拾遺不敢妄作爲古

一嶽志以山水爲最要旣分類必各爲敘如說峯卽混入巖澗後云事見某峰贅語也今於峯止言峯末云下有某巖某澗於巖澗則承前云在某峰下後止各言巖澗他類倣此但使脈絡貫串分明而已漢水經古武當縣地去山甚遠補入澗河沙河浪河爲諸澗出水入漢之路漢則

言其所經而止不引水經全文亦不遠引長江
謂其大而無當

一引經不切亦陳言也因尹喜巖牽引老君并錄
入函谷著道德經全傳離之愈遠又如真武誥
勸孝經等文凡爲真武廟者皆通用與太和無
涉俱不錄入

一所紀須先清題目如星野山川等類突然說起
便似州縣志之體必於開端數則注明山之所
在及武當所以易名大嶽太和之由庶後文記

敘有所根株亦志中沿革例之不可少者

一序書非上表進疏之比凡遇聖號止須挨字連
寫省擡頭以便觀覽



一紀傳不應夾雜議論原志各類前後作起作跋
作考又各書銜書名篇目錯出似讀史之體今
但引起數語中只敘事後有私見附以小案每
類聯作一篇以醒面目

一藝文非專尚藻麗前後賢達之篇美不勝收惟
王弼洲先生駐節鄖陽於山最習且三世來遊



相習更久而所作多寓微意在前明雅存諷諭
今觀之實為平論因思

國朝祀事悉按典禮則又有較善於前王者固知名
筆不苟於作也其餘非敢去取但不得不留為
後賢續入地耳

大嶽太和山全圖





大嶽太山紀畧



大和山紀畧

圖





黃河

祖師廟




秦園

漢橋

羅漢寺

圖

大猷大和山紀略
卷一
三



阿隆觀


大猷大和山紀略
卷一
三



鳴馬寺

土橋


大和山紀略
卷一
圖



大和山紀略
卷一




卷之四
名山記
圖



鐘山


周處

名山記
卷之四



鐵瓦


不爲大和口紀畧



謝松

不爲大和口紀畧


卷一



申府庵



九



大和口
卷一



大和口
卷一









大雅大和山景圖

卷一

十二





蓮真宮




蓮真宮


蓮真橋



大嶺大和山紀略




大嶺大和山紀略







磨針井




關帝廟


圖





卷之二
圖





卷之二
圖



卷之九 和名拾遺 卷一




卷之九 和名拾遺 卷一




大嶽大和山紀略


三







南





圖














黎朝盈亭





八宮圖

大英六和山總覽
卷一
圖



大嶽太和山淨樂宮圖





大嶽太和山迎恩宮圖





大嶽太和山遇真宮圖





大嶽太和山玉虛宮圖




大嶽太和山五龍宮圖





大嶽太和山紫霄宮圖





大嶽太和大和宮圖






按紀武當者謂惟真武之神足以當之元揭傒
 斯撰碑云元武神得道其中改號武當謂非元
 武不足當此山也夫山之奉元武者多矣此何
 獨以武當名意者荆南火方也楚主祝融火神
 也武當度分在翼翼於南方七宿爲翼火蛇又
 天之火宿也於九星爲廉貞於五行爲獨火於
 天機爲燥火攷山圖孤峰燄起羣峭攢空象亦
 火也惟奉北宮真武之水精以鎮之乃有水火
 既濟之功武當之名太和之義或寓於此乎抑

更有進者均陽連比房陵西通蜀漢北接終南山菁險深自昔防之且襄為重鎮南北朝關隴之師多出武當前代建武當郡武當軍武當路以扼之明置守山大璫例比監軍未必無意也古人圖山川於屏間意存聚米身任地方牧伯者按圖知懼必思所以敬其神明綏靖山川合於禮樂治明鬼神治幽之理下祈民福以上副聖朝巡嶽翁河之盛典圖之者固不僅為峰巒秀麗宮殿嵯峨矜繪事之工供卧遊之勝而已也

大嶽太和山分星璇機異軫圖



大嶽太和山紀畧卷之一

星野

周禮保章氏掌星土以辨九州天官書云衆星
列布體生於地精成於天星土之精氣相感分
野屬之矣荆之分野爲翼軫山川之麗於其域
者應亦屬焉禮曰名山升中於天在天爲星在
地爲嶽尤精氣之必相感者大嶽嶽也分荆土
之星其較著者矣紀星野

大嶽太和山在漢之南江之北屬下荆南道襄陽府

之均州漢南陽郡地禹貢荊州之北境史記天官書云翼軫荊州正義云翼二十二星軫四星長沙一星轄二星令軫七星皆爲鶉尾於辰在巳楚之分野晉書天文志云翼軫楚荊州南陽入翼六度宋史天文志北斗第二星曰璇其分爲楚寰宇記云南嶽衡山宿當翼軫度應璣衡衡者北斗第二星玉衡也春秋緯云自大別以東至雷澤九江荊州屬衡星星經云玉衡星主荊州

按禹貢荊及衡陽惟荊州江漢朝宗於海凡在

江漢間者皆荊州史記謂翼軫荊州王子安曰星分翼軫是就九州分野而統以屬之者也然堯以前分九州舜分十二州周分千八百國秦以後又分置郡縣以二十八宿分之寧無疆域之界故晉書又分郡國躔次以荆之翼軫分南郡入翼十度江夏入翼十二度零陵入軫十一度桂陽入軫六度武陵入軫十度長沙入軫十六度而南陽入翼六度今光化棗陽穀城均州漢南陽郡地應入翼六度是以湖之南屬軫湖

之北屬翼於地分星於星分度而分以屬之者也又魏陳卓郡國躔次云自張十七度至軫十度楚之分野屬荊州明史天文志湖廣布政司所屬德安府之隨州襄陽府之均州光化縣皆張分張十六度軫九度鶉尾之次也考郡國星度張屬河東河內與南陽相近自張至軫包翼在內是又以壤地交錯而兼以屬之者也又寰宇星經有度應璣衡玉衡星主荊州等說考前漢書天文志云斗爲帝車運於中央臨制四

海分陰陽建四時均五行移節度定諸紀皆繫於斗用昏建者杓杓自華以西南夜半建者衡衡殷中州河濟之間平旦建者魁魁海岱以東北也宋史天文志云北斗第一星曰天樞其分爲秦二曰璇其分爲楚三曰璣其分爲梁四曰權其分爲吳五曰玉衡其分爲燕六曰闔陽其分爲趙七曰搖光其分爲齊據此均州西接梁益在華西南應主璇星不得兼言玉衡是蓋以北斗指時則爲月建指地則爲分野又運於二

十八宿之中而總攝以分屬之者也若夫太和居真武之神上應天星或又有說天官書北宮元武索隱曰北宮黑帝其精元武正義曰虛危爲元枵於辰在子程鉅夫記龍漢之年虛危之精降而爲人修道此山是北宮正當坎位虛危降生真武理或然也斗之魁杓所建界以岱華太和叅居五嶽之間故有七星峯以應北斗然則真武屬虛危之宿太和當斗極之魁義又有取固不僅拘拘於翼軫間而爭較分數也至於

原志有以諸星名爲神號者考史記中宮天極星其一明者太一常居也文耀鉤曰中宮大帝其精北極星含元出氣流精生一也正義曰太乙天帝之別名也太一南一星曰天一亦天帝之神如祀典內稱真武爲北極封諸神或曰天一或曰太一豈以真武居北擬諸北極以尊之而諸神亦取北極中之星而名之耶又原志有以諸天名其峯及元帝昇天後之所居者攷離騷有九天之說明史引西洋人天有九重最上

爲宗動天無星辰次日列宿天次日填星天次日歲星天次日熒惑天次日太陽天次日金星天次日水星天最下曰太陰天

本朝御纂性理案稱古有九重之說然未實稽其數今推得最上一重爲宗動天乃一氣運行羣動之宗也次一重爲恒星天又次一重爲土星天又次一重爲木星天又次一重爲火星天又次一重爲太陽天又次一重爲金星天又次一重爲水星天又次一重爲太陰天其高下遠近

各有層次朱子嘗言天有重數漸高漸寒外有堅殼以束之彙書載道家有三十三天名目更有謂三十六天者如山川內以顯定天皇崖天等名其峰至紀內以梵度天禁上天常融天等爲元帝所居豈以天有重數色目取而名之耶各書互有同異未暇深辨因於星野先爲附及之後不復贅

之遊不野其
 谷善互亦同異太極圖將四為星宿太極圖
 為天帝神位或以天宮為殿自燭而名之曰
 蒼谷其谷至聖山以焚香天禁上天帝廟大
 休館三十六天林峻山以醮穴天宮殿
 遊覽以東之靈香妙處求亦三十三天各日
 亦以修之求不野言天亦東地神宮神宮亦

圖攷

太極分而天地圖矣二儀象而山川圖矣化工
 之造山川拔其秀為太和而宮殿綴之人間粉
 墨不肖也雖然不可以無圖圖生數數生變變
 生文而文字興焉字以象形文以寫意皆圖之
 餘有圖而文字如繪矣紀圖攷

襄陽府均州武當山加號大嶽易名太和自有明始
 今因之為峯七十二崖三十六澗二十四臺九洞
 九井九池十五泉九潭三石七洞天三福地一宮

殿八金殿一元銅殿一列圖如左

